

***SREDNJA ELEKTROTEHNIČKA ŠKOLA
SARAJEVO***

***PRAVILNIK
O IZMJENAMA I DOPUNAMA
PRAVILNIKA
O ZAŠTITI OD POŽARA***

Sarajevo, juni 2025. godine

Na temelju odredbi člana 24. Zakona o zaštiti od požara i vatrogastvu ("Službene novine Federacije BiH", broj: 64/09), člana 108.stav (1) tačka d) Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24), člana 152.stav (1) tačka d) Pravila JU Srednja elektrotehnička škola Sarajevo (Pravila dj. broj: 406/25), Školski odbor JU Srednja elektrotehnička škola Sarajevo na sjednici održanoj 30.06.2025. godine donosi

P R A V I L N I K

O IZMJENAMA I DOPUNAMA

PRAVILNIKA O ZAŠTITI OD POŽARA

Član 1.

U Pravilniku o zaštiti od požara Javne ustanove Srednja elektrotehnička škola Sarajevo (Pravilnik dj. broj: 621/21) član 53. mijenja se i dopunjuje i glasi:

Član 53.

(1) Lice zaduženo za provođenje mjera za zaštitu od požara (čl. 2. stav 1. tačka 26, u vezi sa čl. 24. stav 1. tačka 6.) Zakona o zaštiti od požara i vatrogastvu

- Brine se o ispravnosti električne, toplovodne, gromobranske, dimovne i druge instalacije,
- Drži u pripravnosti u ispravnom stanju uređaje, alat i opremu za gašenje požara na mjestima koja su lako pristupačna,
- Brine se o redovnoj kontroli aparata za početno gašenje požara,
- Brine se o obuci, kao i provjeri znanja uposlenika iz oblasti zaštite od požara,
- Brine se o obezbjeđenju prohodnosti svih požarnih prilaza i prolaza,
- Zabranjuje upotrebu otvorene vatre i drugih izvora paljenja u prostorijama u kojima bi zbog toga moglo doći do požara,
- Redovno dostavlja izvještaje direktoru o stanju zaštite od požara,
- Vodi svu potrebnu evidenciju iz oblasti zaštite od požara,
- Dostavlja izvještaje nadležnim organima o svim nedostacima i nepravilnostima u vezi sa zaštitom od požara,
- Zabranjuje rad na objektima, uređajima i instalacijama ako primijeti da postoji neposredna opasnost od nastanka požara, ukoliko se takva opasnost na drugi način ne može otkloniti,
- Zabranjuje rad uposleniku koji grubo krši propise o zaštiti od požara ili na drugi način predstavlja opasnost da izazove požar.

Lice koje će se starati o mjerama protivpožarne zaštite direktor škole imenuje rješenjem.

(2) Zaposleno lice koje je zaduženo da se stara o provođenju mjera zaštite od požara mora biti posebno stručno osposobljeno za uspješno obavljanje poslova iz oblasti zaštite od požara (čl. 24. Zakona zaštite od požara i vatrogastvu Sl. novine FBiH 64/09).

(3) Lice zaduženo za zaštitu od požara dužno je takođe sarađivati sa svim ovlaštenim preduzećima i drugim pravnim licima iz oblasti zaštite od požara, a naročito sa:

- *nadležnim inspekcijskim i drugim organima općine, kantona i federacije - države,*
- *vatrogasnim jedinicama na teritoriji Kantona, odnosno općine,*
- *stručnim organizacijama koje se bave zaštitom od požara.*

Saradnja sa ovlaštenim organizacijama i pravnim licima ostvarivat će se kroz lične kontakte i konsultacije, prisustvovanje stručnim seminarima, savjetovanjima i izložbama, traženje stručnih savjeta i objašnjenja,

planiranje izvođenja praktičnih i vatrogasnih vježbi u krugu Škole, obavljanje stručnih pregleda objekata i tehničke dokumentacije, izradu plana, programa i drugih projekata zaštite od požara itd.

Član 2.

Ostale odredbe Pravilnika o zaštiti od požara broj: 621/21 ostaju nepromijenjene.

Član 3.

Ovaj Pravilnik stupa na snagu danom donošenja.

PREDSJEDNIK ŠKOLSKOG ODBORA

Doc.dr.Asaf Sarajlić, dipl.el.ing.

Broj: 1087/25

U Sarajevu, 30.06.2025. godine